

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



近代中國史料叢刊續編第十三輯  
沈雲龍主編

# 清代毘陵名人小傳稿

張維驥纂

文海出版社  
有限公司印行

近代中國史料叢刊續編 第十三輯

目錄

|                             |      |
|-----------------------------|------|
| 清代毘陵名人小傳稿                   | 張維驥纂 |
| 愚齋存稿 卷一至卷二十五<br>奏疏·電奏·電報    | 盛宣懷撰 |
| 愚齋存稿 卷二十六至卷五十<br>電報         | 盛宣懷撰 |
| 愚齋存稿 卷五十一至卷七十五<br>電報        | 盛宣懷撰 |
| 愚齋存稿 卷七十六至卷一百<br>電報·補遺·東游日記 | 盛宣懷撰 |
| 愚齋未刊信稿 光緒二十三年至民國四年<br>附：家書  | 盛宣懷撰 |
| 庚子都門紀事詩                     | 延清撰  |
| 張謇傳記                        | 劉垣著  |
| 記章太炎先生（附太炎文錄續編）             | 沈延國著 |
| 吳稚暉先生紀念集                    | 楊愷齡編 |



清代毗陵名人小傳稿卷七

邑後學張惟驥季易纂

鄒樹

樹字潤安號閨菴武進人家貧無力就傅勤苦自勵於書無所不讀雖沍寒盛暑披覽不輟其於日月之疾徐盈縮星辰之遲留伏逆江淮河漢之岷絡條理南朔東西之阨塞險要皆能洞悉原委曉暢機宜故發於詩古文詞者卓然可傳道光元年詔舉山林隱逸鄉先輩議以名上於朝樹寓書建議者曰某德薄能鮮長爲鄉人以沒世乃其分耳若抗跡邱園弋釣華譽鄉黨自好者不爲而子謂我願之乎議遂止此可以觀所守矣隱於醫藉以事畜其於醫實事求是如經生之於漢學也

湯建中

建中字德卿一字允叔武進人道光元年舉人教習知縣分發東河官運河同知至東河時總河嚴公烺一見詢全河形勢答問悉中窾要尋借補河內

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



縣丞轄有水碓數十座民田藉資灌溉官吏向視爲利藪建中下車盡捐禁約一從民便廳員某科塚不及數總河檄建中往查已繕白簡以某缺授建中建中至與某期三日購如額出結馳稟某得無恙趙申嘉贈詩有傳遍官聲差慰藉小湯文正繼睢州蓋謂此也

惲秉怡

秉怡字潔士號梧岡武進人道光元年舉孝廉方正敦孝行稱里閭嗜書畫皆入能品而書尤善嘗受法於莊然一然一師歐陽率更父子而秉怡以徐季海爲宗論者以爲各有勝處畫先學竹後學山水沉雄娟秀克承家學歲暮寒窗圍爐呵凍作畫不輟蓋深得此中真趣者也

臧相子熙

相字木齋武進人庸子道光元年舉人傳其父業有漢學師承記分別漢宋畛界劃然子熙字仲金縣學生覃精經訓能世其家

顧文炳

文炳字子明武進人道光元年舉人博通訓詁十三經義疏能條舉無遺

蔣學沂

學沂字小松陽湖人工駢體文及詩詞清句麗詩文不難於麗而難於清學沂得之矣

劉嗣富

嗣富字鐵文陽湖人諸生工詩詞

管繩萊

繩萊字孝佚亦字孝逸晚號艾齋別號屨提居士武進人世銘孫風幹佃儻文詞瑰磊有奇氣官安徽含山知縣多惠政善斷疑獄去後含山部民感念遺愛歲附糧艘饋遺食米百斛至終其身世更嘆爲循吏不僅文人已也詩才奔放古文辭簡靜樸茂

惲彙昌

彙昌字子駢陽湖人諸生工篆書善畫山水性高曠不諧於俗罕與外事咸豐十年髮匪陷毗陵自經

劉可培



可培字阮山武進人博學多聞客閩皖豫滇到處爭迎詞人周之琦其高足也性耽風雅善詞曲

謝應芝

應芝字子階號浣村晚號蒙泉子陽湖人貢生工詩古文辭精研經學擴漢儒之奧而立身致行一以宋儒爲準則

史秉直

秉直字洵侯陽湖人道光三年進士以知縣分發甘肅署伏羌縣關外有路斃者秉直詣驗得傷而傷人者無主名乃微服夜訪酒帘中燈火熒熒聞二人私語曰甲於某日與乙偕行乙死而甲不見何也直前叩其實遣役物色之獲兇置之法補崇信某佃負租不償斧戕其妻以誣業主鄰里無異辭秉直疑之覆訊得實旋調渭源渭源爲西疆孔道大軍征張格爾羽書絡繹秉直供張車馬事辦而民不擾凱撤大吏敍勞入奏時丁父憂歸奉旨歸部卽選服闋補河南西華兼理扶溝扶溝村民家夜火與幼子皆焚死唯其婦以呼救免秉直往勘見火自外入知必有故推得挾讐縱火者抵罪調鹿邑以

緝獲左道亂民奉旨以同知用調署祥符以河決大工告成擢汝州會旱禱雨風穴山遇勞疾卒平生盡心民事鉏豪強卹災患敦教化所至翕然從風其卒也遠近爲之流涕光緒間入祀名宦祠

言啓方

啓方字侯卿號芝泉武進人道光元年舉人幼穎悟讀書過目輒記晷歲工文博覽羣籍潛心古學尤精詩大挑知縣因吏事繁恐廢學改學官選授下邳學正十九年以老病告歸年餘卒

史福臻

福臻字會五一字荔洲陽湖人道光二年舉人官安徽太和縣教諭於學無所不窺尤長於詩少時好雄傑瑰麗之作後以杼寫性靈超淡自得爲宗

趙仁基

仁基字厚子陽湖人道光六年進士官至湖北按察使工詩在官判決滯獄感格兇頑至卒宦橐蕭然人謂不墜家風

程應權

應權字子衡武進人道光六年進士改翰林院庶吉士散館授編脩工詞

談 雲

雲字鴻儒陽湖人道光八年舉人大挑知縣官四川墊江縣知縣工詞

符 瑩

瑩字玉相號琴臺武進人道光八年副貢宗室文黼宸將軍深器之蔣中丞文慶亦曰符君非特經師洵人師也性友愛弟卒悉歲入供其孤寡至不能自畜其子使依外家以長焉隨吳孝銘視學於閩閩人嚼以關節峻拒之不納年六十五卒

董似穀

似穀字粹夫號蓉初武進人道光十一年順天鄉試第一十八年進士館選以嫻史例累充武英殿纂修國史館總纂起居注總辦擢洗馬旋授江西南安府知府未之官以校刊二十三史成賞鹽運使銜再權糧儲道同治間重修江西通志派充提調詳定體例咸以爲善書成遂引年歸怡志林泉不與外事卒年八十四

湯成烈

成烈字果卿陽湖人直隸清苑籍道光十一年舉人官浙江玉環同知精史學常州詞人自張皋文翰風詞選出詞格爲之一變嘉慶以後與雍乾間判若兩途成烈工力甚至每以全力運轉有約千篇於一闕感萬里於寸徑之概聲情激越感遇深遠尤爲可歌可泣

吳頡鴻

頡鴻字嘉之號笛江武進人道光十三年進士以卽用知縣分發山西署五臺靈石臨汾補崞縣頡鴻工古文及駢儷詩詞爲諸生時名重鄉里與趙申嘉莊縉度周儀顥陸容徐廷華汪士進稱毗陵後七才子其官山西多善政崞縣苦寒民輒僵死頡鴻歲置羊皮衣褲三千給之尤多狼患爲禁狼文告於神捕治之狼患竟息

陸容

容字蓉鏡陽湖人諸生爲文豔麗後七子中最爲淪落不偶

張鏡淳

鏡淳字拭之號蘭洲武進人道光十三年進士分發山東知縣署黃縣濰縣補授堂邑縣所至有聲每讞囚爲之寢食俱廢曰此死獄也吾爲之求生不得耳以不樂煩劇呈請改教選授蘇州府教授咸豐十年四月粵逆陷蘇州城鏡淳正衣冠坐堂上賊至欲褫其衣冠而生之乃大罵遂遇害事聞優卹如例入祀昭忠祠

汪 暎

暎字仲穆陽湖人道光十四年舉人淡於榮利不求仕進常居京師教授弟子詩宗陶韋篇帙不富而雅韻欲流

張 璇父銓 子達 成熙 成煦

璇字春帆號湘雲武進人道光十四年舉人四試禮部三薦不售遂以大挑二等授泰州學正涖任後與州之士論文講學循循善誘擇其尤而獎借之士風丕變時值洪楊之禍咸豐十年江南郡縣相繼淪亡邑之人相率挈眷渡江避難其至泰州者虛靡舍居之日久來者衆靡無厠足地乃賃廡以處日給以糧僦居至半城市顧力不能久任爲之愀然邑人士之仕京外者聞



之咸願助廉以成其事董之數年全活無算其後邑人之避難者不問其所至而知其至泰州也其至泰州者無一人不得全其生也同治四年年五十九以勞瘁卒於官驤生也晚不及詳先人之休聲美實今所聞者什伯之一耳少工文善書而不求赫赫之名父鋌字搢之道光元年恩貢生博學多聞尤工尤王體制舉文十三上秋闈未遇齋志以卒子三達成熙成煦成煦驤父也達與成煦俱諸生沉潛好學亦有文名

### 陸敏政

敏政字子忠武進人道光十四年舉人幼通爾雅說文稍長博涉諸經馬鄭荀王諸家及唐宋疏證無不究其家法學使者彭春農甚器之以爲可繼閻百詩惠定宇之後而升之學海堂也家貧常爲四方之遊劉瞻巖視學山東吳平次學士視學江西龔靜軒宮詹視學廣東皆聘爲襄校在廣東時巡捕官以關節通嚴拒之後選鹽城教諭廉介樸素如諸生時卒年七十一

### 李以謙

王士儼

以謙字地山武進人花卉學南田山水仿思翁墨暈秀潤又工書隱居不仕

與同里王士儀並有書名士儀字心一

董文毅

汪在豐 沈德龍 劉 傑

文毅字六泉武進人善弈道光間學士大夫往往喜談弈理於是士爭趨之一時以國手名天下者十八人文毅其一也同時有汪在豐沈德龍名稍亞於文毅又有諸生劉偁者字禹門博學工文弈技與在豐德龍相頡頏

程兆和

兆和字香谷武進人道光十五年舉人大挑一等安徽阜寧縣知縣工詞

陸慶頤

慶頤字鞠人武進人諸生績學能文嘗遊京師朝鮮使臣洪冠巖見其詩而善之持歸刊行於世主講川沙觀瀾書院為講義以課生徒篤信朱子小學務求實踐

湯 璪 兄 珩

璪字子屋武進人諸生為人靜潔峭直遇所拂忤雖貴介盛意折之工古文辭得魏晉人意尤精金石之學屢為當道聘纂金石書及郡縣志任邱邊浴

禮以爲江南一人與兄珩字子獻齊名時稱二俊

薛子衡

子衡字子選武進人廩生館於劉逢祿家能私淑其學研求經訓易詩皆有論著謂逢祿詩聲衍及莊述祖古文甲乙篇皆釐訂序例分別部居而引徵未備欲補成之以客游死粵未能卒業

莊縉度

弟士彥

縉度字眉叔又字斐齋號黃雁山人陽湖人道光十六年進士官戶部主事發河工學習改同知浮沉宦海未竟其用工詩詞其自爲詩集序云二十五歲以前所作凡三千餘首刪存四百三十二首可以知其陶鍊之深蓋得金荃之韻玉溪之豔者弟士彥字眉生諸生以詩文名於時

呂佺孫

佺孫字堯仙陽湖人道光十六年進士官至福建巡撫凡所陳奏洞切事理蒐羅古軼甚富何紹基趙之謙均推爲海內藏軼家之冠

陳肇鏞

肇鏞字子倣武進人明善曾孫道光十七年舉人嗜金石圖籍所藏甚當時稱鑑賞家官至河南府知府宜陽盜張野貓築壘山中與汝南商洛羣盜通刻日爲亂肇鏞與知縣某從一騎直造其壘擒之登封盜魁梁甲伺令出襲縣城出繫囚殺令妻子郡邑大震肇鏞聞警馳援出不意平之久之欲引年歸未行卒

史致澤

致澤字燮甫陽湖人道光十七年舉人穎悟過人工詩詞其屬對極工嘗以筮短龜長對環肥燕瘦

丁嘉葆子紹基

嘉葆字誦孫武進人履恆子道光十八年進士選庶吉士散館授編脩奉特旨召見命在上書房行走授瑞郡王讀大考擢侍讀充日講起居注官教習庶吉士洊升左庶子二十六年視學貴州陞辭日獎勛甚至感激主知校士詳慎二十八年按試石阡以暑疾卒方卒遷侍講學士未及拜命於學無所不窺尤嗜金石文字詩承家學早歲卽哀然成集其通籍去鄉舉已十七年

故造詣益純子紹基字聽彝精金石之學

史致諤

致諤字士良號子愚陽湖人宛平籍道光十八年進士散館授編脩掌院倚以辦事兼國史方略諸館職凡鉅製盛典進奉文字一以委之二十八年授江西廣信府知府決留獄捕土豪除賦額脩考棚增號舍築隄護田設閘蓄瀉鄰郡有災集貲濟振以安流亡爲政期年百廢俱舉咸豐二年調權南昌是時粵賊竄長沙江西省垣震動致諤治團練稽保甲製軍械除德勝門外積沙築礮臺修城垣改造章江門濬城河及豫漳溝設懸門布渠荅厥後粵匪圍南昌近百日江忠烈公督師赴援轉危爲安始知致諤守備先具之力冬後還廣信練信新軍會浙師屏蔽撫饒自貴溪鑿守具濟南昌復調守南昌籌浙鹽餘息以充餉增月城礮臺汰章武軍入信新軍以備緩急時粵匪自九江上犯興國陷武寧致諤率信新軍偕浙江游擊常海敗賊於紫鹿嶺連敗之箬田復武寧楚軍失利於九江援師集南昌乏餉主客交鬪致諤爲之解紛弭釁籌軍火餉需逆酋石達開自楚入陷瑞臨袁吉撫建諸郡環省



皆賊致謬處以整暇賊不得逞六年將軍福興奉詔援贛駐軍廣信奏乞致  
謬自隨八年春致謬以乞餉抵常山值石達開竄圍廣豐牒請以同知李元  
度一軍會浙師解廣豐圍十年以道員入覲詔發浙江上書當事謂金衢嚴  
諸郡悉爲賊窟杭州圍急請以圍寧國之軍下擊嚴州以徽州諸軍應之閩  
中簡勁旅會衢防之師搗蘭谿以廣信防軍應之賊勢中斷杭圍必解當事  
各分畛域策不果行杭州陷同治元年左文襄公宗棠撫浙奏致謬權寧紹  
台道致謬謁李文忠公鴻章於上海文忠假以便宜致謬請挈洋將華爾同  
行時廣艇與法國兵構釁引賊陷慈谿寧波鎮海餘姚皆警致謬至寧波簡  
軍實籌釐捐率居民固守郡城推誠結洋將嚴約束檄華爾率常勝軍攻慈  
谿華爾所部鼓勇登城遂克慈谿奉化復陷致謬遴得都司楊應龍使募忠  
勇軍會郡人李鏗義勇連敗賊於橫溪石橋克奉化合兵搗上虞復之嵎新  
昌相隨而下乃謀規復紹興賊合七酋之衆與官軍夾曹江而軍官軍渡江  
敗賊於東關又敗之於夏家埠直抵紹興城下會洋將勒伯勒東死諸軍稍  
卻蕭山諸暨之賊來援官軍再戰盡殲之再薄紹城時左文襄大軍克金華

諸暨賊方蒂桂降遂復紹興與大軍會於錢江浙東平致諤於是親歷所部  
飭吏治撫瘡痍雇輪艇以擊海盜設安瀾局以護海商稽旬月報以清釐稅  
左文襄大軍饋餉每取給焉積功賞按察使銜賜孔雀翎經營數年海邦綏  
定而致諤精力減耗矣自陳衰老五年冬詔以原官休致十一年卒年七十

一

### 吳自徵

自徵字月畊鄉舉名夢徵武進人宛平籍道光十七年順天舉人改歸原籍  
大挑二等選鹽城教諭陞鎮江府教授少受業於王甌精舉業一本經義兼  
工古文辭父德坊晚嬰末疾臥床十年自徵授徒供甘旨而自食草具

### 徐廷華

廷華字子楞陽湖人諸生負才氣而躓於場屋益精詩古文詞遊跡所至當  
路引重晚年客死鄂中有一規八楞硯齋集以父廣揚與繕御製集成賜物  
有一規八楞硯一取以名齋示傳硯意云

### 洪齋孫

齋孫又名惠方字子齡一字齟甫陽湖人亮吉幼子道光十九年舉人廣東知縣少孤刻苦自勵精研史學著有補梁疆域志八卷

湯用中

用中字芷卿陽湖人道光十九年舉人官知縣工文

呂成忠

成忠字子恬陽湖人工醫能文善篆書又擅填詞

陸循應

循應字子良武進人工詞多陶寫性情得天然之趣託諷遠而入人深有古之遺音

董毅

毅原名思誠字子遠陽湖人道光二十年舉人士錫子繼二張纂續詞選二卷與張選並行不愧外家宗風工文詞精篆法生平著作沈博絕麗尤擅倚聲庚申之變盡歸零落惟詞未盡散佚晴絲麗空落花無主可以方其境界爲人靜默狷潔與人偶立其人或不潔清則頻頻整拭衣袂惟恐其污其性

如此妻賢而無子爲夫畜妾日夜膏沐熏飾之冀當其意而或娠也然卒無子

莊受祺

受祺字衛生陽湖人道光二十年進士官至浙江布政使工駢體文喜論兵於緩急虛實洞中窾要尤善識別將才擅北朝書晚工篆

趙起

起字于岡陽湖人翼孫道光二十年舉人鄉舉時年將五十矣里居養母不求仕進所居約園亭榭頗勝善畫工詞暇以文翰自娛寫蘭韻致灑落得文待詔遺意亦工寫意花卉咸豐二三年間粵匪陷江寧鎮江常州設局保衛邑人強起與其事七年克鎮江敍勞保教諭加中書銜十年閏三月賊逼常州總督何桂清時駐常州聞警宵遁或勸起出避起指其園中池曰此吾全家葬所也四月二日賊大至時府縣皆先懷印走城中莫適爲主起使兄子祿保與曹禾諸人激勵民團登陴固守六日城陷起先視其家婦女三十三人皆投池中死己危坐以待賊至叱曰創議守城者我也殺我母多傷人賊

欲加刃起以頭撞山石死事聞得旨優卹贈道銜世襲雲騎尉賜祭葬祀京師及本籍昭忠祠旋奉旨卽其居建專祠從死者並予附祀有約園詞十卷所謂逝水歌者皆哭其母兄子女之作所謂晚唱詞者多紀寇亂之篇骨肉凋零兵戈滿眼蓋極人生之難者矣

陸黻恩

黻恩字亞章號紫峰陽湖人道光十九年舉人揀選知縣工詩擅駢體文名重鄉里間里居授徒多成達者

姚華國

華國字文山陽湖人道光二十年副貢庚辛之交英人構難兵艇闖入大江毗陵戒嚴官紳照會防堵卽督率鄉人家出一丁舉行團防首清戶口均貧富練胆識習火器簡約而嚴人心大定英人尋議和少喜擊劍傳荆川鎗法至是益究心武備方略謂人心浮僞世變多端禍亂之萌未知所至乃力籌救世之策以濟時艱

湯成彥



成彥字梅生又字心匏號秋史陽湖人直隸清苑籍道光二十一年進士官刑部主事工駢體文

汪士進

士進字逸雲武進人道光二十三年舉人以文章名世著述等身存者僅鱗爪耳

張曜孫

曜孫字仲遠陽湖人琦子道光二十三年舉人湖北候補道慷慨善論兵上官重之而不盡其用僅一署督糧道鬱鬱以卒少承家學尤精於醫官知縣時嘗坐堂爲民診疾日夕無倦容亦善畫擅折枝花卉工詩五言古宗漢魏

周儀顯

儀顯字叔程陽湖人儀暉弟道光二十三年舉人小儀暉十餘歲事兄謹文譽不亞其兄

△錢弁萬

錢弁萬後改仁萬字心培號象山大興縣廩膳生道光二十四年甲辰恩科

順天舉人欽取景山宮官學教習博學能文豪宕絕俗咸豐四年甲寅三月卒於京邸年僅四十時人惜之

汪昉

昉字叔明亦字菽民晚號夢衲盦老人陽湖人曠弟道光二十四年舉人大挑知縣分發山東官萊州府同知署萊州府知府家貧幼廢學年十四入塾讀穎悟異常童逾年卽爲村塾師未及冠以縣試第一人補縣學生員工詩與兄曠齊名尤擅書畫初官布政司經歷經歷故閒曹日事文譙座客常滿會常州爲髮匪陷鄉人避難至山東昉無問知與不知爲一一道地得所旋補濟陽多所興建升萊州府同知不數年以老乞休宦橐蕭然歸以畫自給其畫蒼勁古厚直窺宋元諸大家精鑑賞收藏頗富嘗曰吾於中年以後辨別真贗始自信矣性友愛教養兄子及孫恩誼周摯慷慨好施能急人之急豪飲善談諧光緒三年卒年七十九

劉達善

達善字子迎武進人道光二十四年舉人官至山東登萊青道初以知縣揀

發湖南署祁陽髮逆石達開以衆來犯達善率民兵登陴以守凡四十八晝夜圍解敘功時駱秉章密陳天下人才堪勝封疆之任者十人達善與焉少聰穎工詩文

### 章汝成

汝成字岷山陽湖人副貢生候選教諭以母年高不出性孝友善屬文有詩古文辭百餘篇精韻學謂顧亭林音學五書考定古韻十得六七其未備者江永古韻標準段玉裁六書音韻表已補正之惟入聲以緝承侵以乏承凡仍從切韻此兩歧之見也又亭林於小戎二章駢合鞞邑爲韻常棣七章合琴翕湛爲韻不知中駢也合鞞也期之也三部各協者也合翕也琴湛也兩部隔協者也至音韻表以術月爲脂部之入聲則諄元無入聲矣而又以質爲真之入是自亂其例也其學之精不苟同於前人如此

### 孫炳煥

炳煥字畹香武進人諸生善繪魚藻生趣盎然又善猴人目之曰象猴因以象猴自號

馮宸簡

宸簡字書淵武進人監生著述甚富而齎於遇十四應鄉舉不售卒年七十

烏季韶

季韶武進人善幼科有著述

呂儁孫

儁孫字曼叔陽湖人道光二十六年舉人官至陝西潼商道同治元年陝中回叛亂在籍副都御史張芾將往諭之儁孫謂必先勦而後撫芾不可卒遇害其守同州以省城危急大府調署西安間道馳赴繕具守備城中恃以無恐四年回逆由汧隴寇陝儁孫督兵迎禦之累戰皆捷賊遂西竄涖潼商道任未久遽卒然所設施皆切於用後人賴之

劉翰清弟 樸

翰清字開生武進人逢祿孫道光二十六年舉人官河南候補道隨使西洋充參贊能周知四國之情郭嵩燾曾紀澤皆推服之洪楊軍勢盛時曾國藩

特保毗陵四人翰清及趙烈文方駿謨周騰虎皆發營差遣弟懌字申孫道光二十九年舉人官廣東雷州府知府學蘊深厚中歲益耽禪悅深究佛理精書法得二王真脈品詣尤超

袁績懋

績懋字厚安陽湖人大興籍道光二十九年殿試第二人及第授編脩改刑部主事官福建候補道署延建邵道屬縣順昌當孔道績懋率兵駐守賊薄順昌守二十日城破死之事聞賜卹如例光緒三年浙閩總督何璟奏請建專祠

余光倬

光倬字省來號幼冰武進人道光二十七年進士官至刑部郎中累決疑獄每引刑律條分節解無少留滯同列皆斂手下之咸豐十年粵賊攻陷江寧大營乘勢東下時兩江總督何桂清駐常州不守退趨常熟常州遂陷進陷蘇州巡撫徐莊愨公有壬死之遺疏劾總督有城不守有兵不戰於是臺諫交章彈劾同治元年逮入都下刑部議罪擬斬立決光倬實司審讞有謀緩



是獄者以甘言餌光倬或怵以危言皆不動卒如讞草上何桂清伏法而謀緩是獄者撫他案劾光倬撤銷記名御史京察一等越數年以憂歸遂不復出少好學屬文操筆立就性伉爽重然諾平居嘗自矢曰吾不欺人亦不受人欺也

楊傳第

傳第字聽臚又字汀鷺陽湖人道光二十九年舉人候選知府客東河總督黃贊湯幕迎養其母吳氏於汴母故賢明惡省會囂塵而黑塌有河督行館地僻曠母樂居之而使傳第從贊湯咸豐十一年八月捻匪竄黑塌脅之母大罵賊怒殺之時開封城閉傳第憂懣不得耗縫出疾馳道遇奔者知母遇害痛甚投於水救之蘇殯母畢撰具行略寓書贊湯乞表彰其母曰身爲文士不能荷戈報讐將從母地下贊湯亟使人往視已仰藥死矣贊湯以母烈子孝入奏得旨旌卹母祀節烈傳第祀孝弟祠工駢體文及詩詞其詞篤守常州一派

馮瑋

瑋原名庭幹字士貞武進人道光二十九年舉人官直隸知縣工山水澹遠秀逸無縱橫習氣

糜 澳子準

澳字竹賓別號陽湖漁隱陽湖人工寫意人物徑丈巨幀援筆無懦色豪於飲每酒輒笑不止人目爲癡卽自號癡癡道人尤善墨龍潑墨淋漓有烟雲出沒之概子準字小牧亦擅墨龍

呂耀斗

耀斗字庭芝陽湖人道光三十年進士選庶吉士咸豐己未主考陝甘官至直隸永定河道耀斗身經喪亂侘傺輒軻晚得一官非所志也高情遠韻如魏晉間人其學靡所不綜愛才如命人有一藝之長譽之不容口爲詞最工其稿仁和譚獻爲之刪定嘉興張鳴珂曰篇帙甚夥皆精金玉也又工畫墨蘭泣露啼烟風姿婀娜髮髯揮石

董用威

用威字子中陽湖人工詩篇帙不富而清婉可誦

陸 荃

荃字紫淦武進人宅心醇朴生平無疾言遽色人有過正言規戒多服其誠而改行明天文算法音律尤精於琴好施與常以醫藥濟人至老不倦庚申之亂避地鄉居團勇難民爲賊所傷悉以刀圭治之所活甚衆

△徐燮鈞

燮鈞字傅兼號閬賓武進人道光辛巳舉人丙戌進士陝西咸陽縣知縣應熙孫著有書經彙說四卷溫經堂詩鈔二卷

△徐星鈞

星鈞字曜垣號郿生武進人會子弱冠遭父喪星鈞上侍慈母下撫弱弟在里爲童子師藉館穀支家計未幾而洪楊變作常郡失陷星鈞奉母輿攜細弱轉徙至浙之山陰而母遽構疾卒於逆旅有妻兄方任閩中鹽道念亂離無以自存乃負土葬母於近郊而攜家往依焉且泣誓於墓曰兒苟有成他日必歸母骨於先人之壟靈其母恫後二十餘年卒如其志旣至閩爲人司筆札處年餘困益甚乃貸諸族人納粟爲倅遂權福建興糧蚶江馬巷等處

通判晉直隸州牧知永春龍巖州事當官以廉謹著凡振文教厚民生諸政無不舉時或出俸錢以濟之權商稅者五帑有羨益而囊無餘貲曰股民肥國吾猶未安自肥焉忍乎以光緒甲辰正月卒於閩年七十有三既歸櫬老屋數椽不蔽風雨人以爲難平居服膺程朱之學身體力行取予不苟與人交必以誠卒之日親朋哭幾失聲

△吳起鳳

吳起鳳字才九武進人道光甲戌進士授湖南靖州直隸州在任六載清正不阿歸隱後恢復龍城書院任山長並捐廉以助膏火歿於光緒中葉享壽八十外孫屠宇昌搜集其生前詩文爲刻才九遺稿行世

△宋景濂

景濂字文閑號曾撰武進人諸生先世以醫術傳家八歲入塾穎悟絕人四書畢父卽授以神農書俾紹箕裘而景濂則志在經術不在藝術欲通經以致用未幾卽遭洪楊之亂詩書盡燬帶經而鋤者五六年亂平考試重興景濂尙不知制藝爲何物搜拾殘編中得抄本數篇意其爲八股文也問於族

祖景韓而受業焉既復游於周醉帆先生之門刻苦自勵寒暑不輟爲文精深宏博偶應試卽得補博士弟子員名播遠邇然秋闈屢荐不售遂舍經術而事藝術博考天文算學遇有疑難輒廢寢食必得當而後已嘗手製渾天儀以泥作圓球外裹以夏布以漆髹之使光滑如鏡畫星宿於其上中貫以軸外用木架俾可旋轉夏秋之晚恆集生徒露天教授以球上之星與天星對照又造龍尾車截竹長尺餘一端留節作空筒另用著作軸心以燭蠟鎔化與線混合作螺絲形實其中以木桶盛水抽之卽出試驗成卽造二丈餘長一尺口徑之大車用以戽水更造平立晷以測太陽用心過勞以光緒十九年卒年僅四十五